

Novi evropski Bauhaus Nagrade za 2025.

VODIČ ZA PODNOSIOCE PRIJAVE

1. NOVI EVROPSKI BAUHAUS

Novi evropski Bauhaus (NEB) je EU-ova politika i inicijativa za finansiranje u okviru [evropskog zelenog plana](#) koja promovira održiva rješenja za transformaciju izgrađenog okoliša i načina života u zelenoj tranziciji. Ona traži rješenja koja su ne samo održiva, nego i inkluzivna i atraktivna, poštujući raznolikost mjesta, tradicija i kultura u Evropi i izvan nje.

Povezivanjem različitih sredina, obuhvatanjem raznih disciplina i oslanjanjem na učešće svih nivoa, novi evropski Bauhaus podstiče pokret kojim će transformacija naših društava nastojati olakšati i usmjeriti u skladu s tri nedjeljive vrijednosti:

- **održivost**, od klimatskih ciljeva, do kružnosti, nulte stope zagađenja i biološke raznovrsnosti
- **uključenost**, od vrednovanja raznolikosti do osiguranja dostupnosti i priuštivosti
- **estetika i kvalitet iskustva** ljudi, putem dizajna i kulturne prednosti

Rješenja novog evropskog Bauhauusa utjelovljuju ove vrijednosti u djelovanja u kojima se **kombiniraju lokalna, evropska i globalna dimenzija i iskorištava potencijal participativnog i transdisciplinarnog pristupa**. Učešće lokalnih aktera u zajedničkom razvoju projekata novog evropskog Bauhauusa je u središtu te inicijative.

2. NAGRADE NOVOG EVROPSKOG BAUHAUSA

Nagrade novog evropskog Bauhauusa (NEB) je renomirano takmičenje koje nagrađuje i donosi vidljivost postojećim projektima i idejama koje razvijaju mladi i perspektivni talenti, integrirajući tri glavne vrijednosti i radna principa NEB-a (participativni proces, angažman na više nivoa, transdisciplinarni pristup). Nagrade je do sada dobilo 5.000 prijava u 4 izdanja (2021, 2022, 2023. i 2024), a **72 dobitnika** su dobila ukupno **1,545,000 eura**.

Nagrade NEB-a igraju važnu ulogu u predstavljanju ove inicijative građanima Evrope, te u kreiranju fonda inspirativnih projekata. Pokazale su se uspješnima jer regije, gradovi i opštine prihvataju NEB putem konkretnih projekata, od kojih se neki finansiraju iz fondova EU-a. Pored toga, nagrade NEB-a podstiču učešće mladih i međugeneracijski dijalog radi održivih, inkluzivnih projekata, privukavši više od 1.700 ideja mladih u periodu od četiri godine.

3. IZDANJE NAGRADA NOVOG EVROPSKOG BAUHAUSA ZA 2025.

Nagrade NEB-a su otvorene za projekte i koncepte koji se provode u EU-u, na Zapadnom Balkanu¹ i u Ukrajini. Peto izdanje nagrada NEB-a će doprinijeti naporima EU-a za poboljšanje priuštivosti stanovanja tako što će dodijeliti četiri **nagrade "NEB-a za priuštivo stanovanje"** završenim projektima u EU-u koji pružaju održiva, inkluzivna, atraktivna i priuštiva rješenja za stanovanje u skladu s vrijednostima i principima NEB-a.

Nagrade za 2025. će biti dodijeljene u četiri utvrđene kategorije na osnovu tematskih osa transformacije kojima se vodi novi evropski Bauhaus²:

- **Ponovno povezivanje s prirodom**
- **Vraćanje osjećaja pripadnosti**
- **Davanje prioriteta mjestima i ljudima kojima je to najpotrebnije**
- **Oblikovanje kružnog industrijskog ekosistema i podrška razmišljanju o životnom ciklusu**

U svakoj od ove četiri kategorije, uspostavljene su dvije paralelne grupe takmičenja:

- **Grupa A: "Šampioni novog evropskog Bauhauasa"** će biti posvećeni postojećim i završenim projektima s jasnim i pozitivnim rezultatima
- **Grupa B: "Zvijezde u sponu novog evropskog Bauhauasa"** će biti posvećene konceptima koje pošalju mladi talenti 30 godina starosti ili mlađi. Koncepti mogu biti u različitim fazama razvoja, od ideje s jasnim planom do nivoa prototipa

U okviru Nagrada za 2025. bit će dodijeljene ukupno **22 nagrade**:

- U grupi A, stručni žiri će izabrati po 1 dobitnika i 1 drugoplasiranog (drugo mjesto) u svakoj kategoriji (tj. 4 dobitnika i 4 drugoplasirana)
- U grupi B, stručni žiri će izabrati po 1 dobitnika i 1 drugoplasiranog (drugo mjesto) u svakoj kategoriji (tj. 4 dobitnika i 4 drugoplasirana)
- U obje grupe će biti izabran po 1 dobitnik u kategoriji putem javnog glasanja na internetu (tj. ukupno 2 dobitnika)
- U svim kategorijama, stručni žiri će izabrati 4 dobitnika "NEB-a za priuštivost stanovanja" u grupi A

4. DODJELA

Dobitnici i drugoplasirani će dobiti novčanu nagradu od:

- **30.000 eura** za dobitnike "Šampiona novog evropskog Bauhauasa" (grupa A)

¹ Albanija, Bosna i Hercegovina, Kosovo*, Sjeverna Makedonija, Crna Gora i Srbija.

* Ovaj naziv ne prejudicira status Kosova i u skladu je sa Rezolucijom 1244 i odlukom ICJ-a o kosovskoj deklaraciji o nezavisnosti.

² Kategorije izražavaju viziju razrađenu u [Komunikaciji](#) Evropske komisije o novom evropskom Bauhausu, koristeći doprinos aktera u fazi osmišljavanja inicijative "odozdo prema gore".

- **15.000 eura** za dobitnike "Zvijezda u usponu novog evropskog Bauhausa" (grupa B)
- **20.000 eura** za drugoplasirane "Šampiona novog evropskog Bauhausa" (grupa A)
- **10.000 eura** za drugoplasirane "Zvijezda u usponu novog evropskog Bauhausa" (grupa B)
- **30.000 eura** za dobitnike "NEB-a za pristupačnost stanovanja"

Pored novčanog iznosa, svi dobitnici i drugoplasirani će dobiti komunikacijski paket Evropske komisije (npr. promociju na društvenim mrežama i internetskim stranicama Evropske komisije, pomoć za kreiranje kratkog videozapisa i podršku u promociji projekata).

5. ČETIRI KATEGORIJE



Ponovno povezivanje s prirodom

Razmatrat ćemo inspirativne primjere atraktivnih, održivih i inkluzivnih projekata koji pojedince i zajednice približavaju prirodi, doprinose regeneraciji prirodnih ekosistema i sprečavanju gubitak biološke raznovrsnosti ili ih pozivaju da promisle o svom odnosu prema prirodi s aspekta usmjerenog na život, kao alternativu onom usmjerenom na čovjeka.

Primjeri mogu uključivati fizičku transformaciju mjesta koja pokazuje kako novi, obnovljeni ili regenerirani izgrađeni okoliš i javna mjesta mogu **doprinijeti zaštiti, obnovi i/ili regeneraciji prirodnih ekosistema** (uključujući životni ciklus tla i hidrološki ciklus) i **biološku raznovrsnost. Rješenja i materijali zasnovani na prirodi** mogu biti važne dimenzije fizičke transformacije.

Transformacija mora dati prednost društvenoj uključenosti, naprimjer, razmatranjem priuštivosti i dostupnosti mjesta, uključujući principe "dizajn za sve", korištenjem **očuvanja i obnove njegovog okoliša** kao zajedničkog zadatka cijele zajednice, korištenjem **zelenih zona kao poveznica** između zajedničkih i dijeljenih prostora u različitim okruzima. Transformacija mora donijeti kvalitet koristi iskustva zajednicama, naprimjer, uzimajući u obzir lokalne kulturne tradicije i nasljeđe i lokalne potrebe.

Primjeri također mogu pokazati kako događaji, aktivnosti, procesi i proizvodi **pokazuju osjećaj ili iskustvo pripadanja prirodi i donose promjenu stajališta prema prirodi**. To mogu biti inicijative u četvrti, lokalne inicijative, umjetničke inicijative i festivali itd.

Vraćanje osjećaja pripadnosti



Razmatrat ćemo inspirativne primjere atraktivnih, održivih i inkluzivnih projekata koji donose osjećaj pripadnosti, "duh" ili "značenje" mjesta, zajednica ili proizvoda i slave raznolikost.

3



Primjeri mogu uključivati fizičku transformaciju mjesta koja pokazuje kako se novi, renovirani, obnovljeni ili regenerirani izgrađeni okoliš može **povezati s lokalnim historijskim nasljeđem i tradicijama ili s lokalnim osobinama savremene demografske stvarnosti, kulturnom i umjetničkom dinamikom i načinom života**. Mogu prikazati i kako regenerativni procesi doprinose **vraćanju osjećaja pripadnosti ili oblikovanju ambicija usmjerenih na budućnost zajednica na lokalnom ili regionalnom nivou**. Prenamjena prostora za pozitivnu **međugeneracijsku razmjenu i jačanje zajednice** može biti važna dimenzija.

Primjeri mogu biti i razvoj proizvoda, procesa ili poslovnih modela koji se **oslanjaju na lokalnu kulturu, tradiciju, znanje i iskustvo, zanate i savremenu raznolikost i kreativnost**. To može biti moda, namještaj ili dizajn interijera, ali i hrana i drugi elementi svakodnevnog života koji nose osjećaj pripadnosti na lokalnom nivou.

Davanje prioriteta mjestima i ljudima kojima je to najpotrebnije

Razmatrat ćemo inspirativne primjere atraktivnih, održivih i inkluzivnih projekata koji doprinose rješavanju potreba teritorija, zajednica i pojedinaca kojima je potrebna posebna i hitna pažnja zbog specifičnih ekonomskih, društvenih ili fizičkih karakteristika.

Primjeri mogu uključivati fizičku transformaciju i regeneraciju teritorija i mjesta, uključujući seoca, ruralna područja, gradove koji se smanjuju, narušene gradske dijelove, deindustrijalizirana područja, mjesta koja primaju izbjeglice ili mjesta koja teže da budu svima dostupna. To može biti razvoj ambicioznih **projekata za socijalno i privremeno stanovanje i prenamjena, renoviranje, obnova zgrada i njihove okoline radi borbe protiv segregacije i izolacije**. Primjeri mogu rješavati i posebne potrebe grupa i pojedinaca koji su najugroženiji, naprimjer, **koji bježe od oružanog sukoba, u opasnosti su od isključivanja ili siromaštva ili su beskućnici**.

Primjeri mogu prikazati i kako napredna primjena principa "**dizajn za sve**" na transformaciju izgrađenog okoliša rješava pitanja pristupačnosti za osobe s invaliditetom, kao i faktore starenja.

Ostali prijedlozi mogu pokazati kako **usluge u zajednici**, novi načini približavanja različitih zajednica (npr. višegeneracijsko okruženje) i/ili različite funkcije (stanovanje, društvena uključenost itd.) mogu dovesti do **novih rješenja za rješavanje specifičnih potreba**. Primjeri mogu biti i modeli vlasništva i poslovni modeli kao što su **planovi protiv špekulacija, kooperativni modeli ili ulaganja s učinkom**.



Oblikovanje kružnog industrijskog ekosistema i podrška razmišljanju o životnom ciklusu

Razmatrat ćemo inspirativne primjere atraktivnih, održivih i inkluzivnih projekata koji doprinose transformaciji industrijskih ekosistema u održivije prakse u duhu kružnosti, uzimajući u obzir relevantne društvene aspekte.

Primjeri mogu biti transformacija elemenata posebnih lanaca vrijednosti od nalaženja izvora sirovina do reciklaže otpada u raznim ekosistemima, od **građevinskog, preko tekstilnog do sektora načina života** (namještaj, dizajn itd.). U tom smislu, novi procesi, novi materijali, **prirodna rješenja i proizvodi od održivih izvora**, ili novi poslovni modeli koji donose jasne prednosti u smislu održivosti i kružnosti, kao i u smislu kvaliteta života za sve i dizajna za sve mogu biti relevantni primjeri. Aspekti priuštivosti i društvene uključenosti ovdje se moraju integrirati u skladu s tim.

Primjeri mogu biti promocija novih ekonomskih modela posebno kod **socijalne i ekonomije blizine i ulaganja s učinkom**. Primjeri mogu biti i inicijative koje su putem transformacije industrijskog ekosistema ili procesa također doprinijele sveukupnom socioekonomskom razvoju lokaliteta/regije. Primjeri mogu sadržavati metode, alate ili smjernice, koji omogućavaju (samo)procjenu uspješnosti kružnosti različitih vrsta roba i usluga.

6. KAKO SE PRIJAVITI

Prijave za Nagrade novog evropskog Bauhauusa se podnose putem posebne platforme za Nagrade NEB-a i moraju se detaljno opisati u odgovarajućem obrascu prijave.

Period podnošenja prijava počinje (**7. januara 2025.** i završava se **7. februara 2025. u 19:00 h po srednjeevropskom vremenu³**).

U prijavi se mora detaljno navesti kako projekat i koncept odražava **vrijednosti i radne principe novog evropskog Bauhauusa**. Ona mora sadržavati i elemente koji odražavaju **kriterije prihvatljivosti i dodjele** koji se neznatno razlikuju po grupama (vidi u nastavku).

Prijava se može podnijeti samo u jednoj kategoriji i jednoj grupi. Podnosilac prijave može podnijeti nekoliko prijava ako se one odnose na različite projekte ili koncepte.

Podnosioci prijave koje zanima prijava za nagrade "NEB-a za priuštivost stanovanja" **moraju u obrascu prijave navesti zašto su zainteresirani za prijavu za tu nagradu.** Samo završeni projekti podneseni za grupu A koji se nalaze u zemljama članicama EU-

³ U toku perioda slanja prijava, Evropska komisija može donijeti odluku da produži rok za prijave. Odluka o produženju se objavljuje na internetskoj stranici Nagrada NEB-a za 2025.

a, koji pružaju rješenja za stanovanje u skladu s vrijednostima i principima NEB-a ispunjavaju uslove za tu nagradu.

Pozivamo vas da pratite platformu Nagrada novog evropskog Bauhausa radi više informacija i novosti, a pitanja možete slati na namjensku adresu e-pošte navedenu na platformi.

Prijave se mogu modificirati i ažurirati dok su u fazi nacрта. Ne čekajte krajnji rok za slanje prijave da ne biste imali problema u posljednjem trenutku, kao što je zastoј pri učitavanju stranice do kojeg može doći pred kraj perioda za podnošenje prijave. Komisija za ocjenjivanje će uzeti u obzir samo prijave podnesene prije zvaničnog roka.

Za dodatne informacije, podnosioci prijave se mole da konsultuju [kompas NEB-a](#) koji navodi različite vrijednosti i principe NEB-a i utvrđuje različite nivoe ambicija.

7. KRITERIJI PRIHVATLJIVOSTI

Sljedeći odjeljak daje detaljna objašnjenja o kriterijima prihvatljivosti za podnosiocе prijave i prijave. Tabela u Dodatku 1 vam može pomoći da provjerite da li ispunjavate kriterije prihvatljivosti.

Svi **podnosioci prijave** za Nagrade novog evropskog Bauhausa moraju zadovoljiti sljedeće kriterije:

1. Podnosioci prijave mogu biti osobe s prebivalištem u ili izvan EU-a, pod uslovom da se njihovi projekti i koncepti provode u EU-u, na Zapadnom Balkanu⁴ ili u Ukrajini.
2. Posebna pravila se primjenjuju za određene subjekte (npr. subjekte podložne mjerama ograničavanja EU-a u članu 29 Ugovora o Evropskoj uniji i članu 215 Ugovora o funkcioniranju EU-a⁵ i subjekte obuhvaćene Smjernicama Komisije br.2013/C 205/05⁶). Ti subjekti ne ispunjavaju uslove za učešće ni u kom svojstvu.
3. Prijavu mora podnijeti:
 - a) **U grupi A:** pojedinac(i) ili organizacija(e) (kao što su grad ili regija, ulagač, organizator) koji je ovlašten za zastupanje projekta.
 - b) **U grupi B:** pojedinac(i) ili organizacija(e) koji je autor koncepta. Ako je koncept osmislilo ili razvilo nekoliko koautora, svi moraju biti navedeni. Svi podnosioci prijave u ovoj grupi moraju imati 30 godina ili manje posljednjeg dana poziva za podnošenje prijave, uključujući sve predstavnike organizacije uključene u stvaranje datog koncepta.
4. Podnosilac prijave ne smije biti u jednoj ili više situacija za isključenje predviđenoj u članu 136 Finansijske uredbe⁷.

⁴ Albanija, Bosna i Hercegovina, Kosovo*, Sjeverna Makedonija, Crna Gora i Srbija.

* Ovaj naziv ne prejudicira status Kosova i u skladu je sa Rezolucijom 1244 i odlukom ICJ-a o kosovskoj deklaraciji o nezavisnosti.

⁵ Napominjemo da Službeni list EU-a sadrži zvanični spisak i, u slučaju neslaganja, njegov sadržaj ima prednost nad sadržajem [geografskog prikaza sankcija EU-a](#)

⁶ Smjernice Komisije br. [2013/C 205/05](#) o prihvatljivosti izraelskih subjekata i njihovih aktivnosti na područjima koje je Izrael okupirao od juna 1967. za bespovratna sredstva, nagrade i finansijske instrumente koje finansira EU od 2014. nadalje (OJEU C 205 od 19.07.2013, str. 9-11).

⁷ Član 136, <https://eur-lex.europa.eu/legal-content/EN/TXT/HTML/?uri=CELEX:32018R1046&from=en>

5. Podnosilac prijave preuzima isključivu odgovornost u slučaju žalbe u vezi s aktivnostima provedenim u okviru takmičenja.
6. Mora se navesti ime pravnog zastupnika.

Pored toga, sve **prijave** za Nagrade novog evropskog Bauhauusa moraju zadovoljiti sljedeće kriterije:

7. Prijava se mora podnijeti putem internetske platforme najkasnije (**7. februara 2025, 19:00 h po srednjeevropskom vremenu**). U toku perioda slanja prijava, Evropska komisija može donijeti odluku da produži rok za podnošenje prijave. Odluka o produženju se objavljuje na internetskoj stranici Nagrada NEB-a za 2025.
8. Prijave se podnose na engleskom jeziku.
9. Projekti i koncepti podneseni u okviru grupe A i B moraju se provoditi u EU-u, na Zapadnom Balkanu ili u Ukrajini. Na nagrade "**NEB-a za priuštivost stanovanja**" se primjenjuju posebna pravila. U tabeli u nastavku se nalaze objašnjenja kriterija prihvatljivosti.
10. Ohrabruje se saradnja jedne ili dvije države, ali se projekat ili koncept primarno mora provoditi u EU-u, na Zapadnom Balkanu ili u Ukrajini. Ako postoji partnerstvo, u prijavi se mora navesti vodeći partner.
11. Podnosioci prijave moraju jasno naznačiti u prijavnom obrascu kategoriju i grupu nagrade (A ili B) za koju se prijavljuju.
12. Duplo finansiranje je strogo zabranjeno. Projekti ili koncepti koji su dobili novčanu nagradu EU-a ne ispunjavaju uslove za ovo takmičenje. Međutim, projekti ili koncepti koji su ranije dobili javna sredstva, uključujući od EU-a (npr. bespovratna sredstva) ispunjavaju uslove pod uslovom da nisu osvojili novčanu nagradu EU-a.
13. Prihvatljive prijave koje nisu dobile nagradu novog evropskog Bauhauusa ni u kojoj grupi ni kategoriji u prethodnim izdanjima mogu ponovo podnijeti prijavu, pod uslovom da uzmu u obzir primjenjive kriterije opisane u Vodiču za podnosiocce prijave.
14. Isti projekat ili koncept se ne može podnijeti za više kategorija ili grupa.
15. Podnosioci prijave mogu podnijeti više od jedne prijave, ali svaka mora predstavljati različit projekat ili koncept u različitoj kategoriji ili grupi (vidi tačku 6 gore). Nije dozvoljeno podnošenje iste prijave dva puta. Podnošenje više prijava za isti projekat ili koncept u različitim kategorijama ili grupama će se smatrati neprihvatljivim.
16. Prijava mora sadržavati potpuno ispunjen obrazac koji se nalazi na platformi nagrada NEB-a, sa ispunjenim svim obaveznim poljima. Svi podnosioci prijave moraju potpisati popratnu izjavu o zaštiti ličnih podataka.
17. Prijava mora sadržavati osnovne informacije i izvor projekta ili koncepta, kao i:
 - a) Za **grupu A**: minimalno šest fotografija s odgovarajućim podacima o autorskim pravima i ovlaštenjem za njihovo korištenje od strane Evropske komisije. Ako fotografije ne odgovaraju, mogu se dostaviti drugi vizuelni prikazi (npr. dijagrami, crteži).
 - b) Za **grupu B**: minimalno jedna fotografija ili vizuelni prikaz, s odgovarajućim podacima i ovlaštenjem za njihovo korištenje od strane Evropske komisije.
18. Prijave moraju objasniti kako projekat ili koncept integrira i promovira vrijednosti i principe novog evropskog Bauhauusa i kako će poboljšati kvalitet života ljudi i zajednica na duge staze.

19. Svaka prijava mora se odnositi na posebnu lokaciju ili regiju, s jasnom ciljnom grupom i definiranim ciljevima. Mora objasniti kako projekat ili koncept rješava posebne izazove s kojima se suočava lokacija ili regija.
20. Projekti ili koncepti koji se ne mogu replicirati u drugim okruženjima nisu prihvatljivi. Replikacija znači da se projekat ili koncept može provesti ili prilagoditi na nekoj drugoj lokaciji u odnosu na onu u kojoj je nastao.
21. Prijave moraju zadovoljiti sljedeće uslove zrelosti i napretka implementacije:
 - a) **Projekti u grupi A moraju biti u potpunosti završeni u vrijeme prijave**, bez komponenti koje nedostaju (bile to fizičke/opipljive ili neopipljive komponente). Procesi, alati, poslovni modeli, metode itd. moraju biti u potpunosti razvijeni u vrijeme prijave. Projekti u ovoj grupi moraju biti provedeni ili primijenjeni u minimalno jednom posebnom slučaju.
 - b) **Koncepti u grupi B mogu biti u različitim fazama razvoja**, od ideje u ranoj fazi do prototipa. Podnosioci prijave moraju predstaviti plan razvoja, detaljno navodeći sljedeće korake za budući razvoj, promociju, i/ili provođenje koncepta, s posebnim naglaskom na godinu nakon primjene. Prijava mora pokazati opredijeljenost ostvarenju koncepta.
22. Prijave moraju sadržavati dokumentaciju koja odražava nivo zrelosti i napretka:
 - a) Za **grupu A**, prijava mora sadržavati detalje o postignutim rezultatima i ostvarenjima završenih projekata, npr. izvještaj o procjeni, završni izvještaj o projektu, odgovarajuću certifikaciju itd.
 - b) Za **grupu B**, prijava mora sadržavati plan razvoja koji navodi korake za dalji razvoj i provođenje, pokazujući opredijeljenost za provođenje koncepta u praksi.

Objašnjenja kriterija prihvatljivosti za nagrade "NEB-a za priuštivost stanovanja":

- Samo podnosioci prijave koji podnose projekte smještene u zemlji članici EU-a za grupu A, koji pružaju održiva, inkluzivna i priuštiva rješenja za stanovanje ispunjavaju uslove za prijavu za nagrade NEB-a za priuštivo stanovanje.
- Podnosioci prijave moraju u prijavnom obrascu navesti da su zainteresirani za tu nagradu.
- Prijava će također ispunjavati uslove za takmičenje u grupi A glavnog takmičenja za Nagrade NEB-a za 2025. u kategoriji za koju je podnosilac podnio prijavu. Međutim, prijava može dobiti samo jednu nagradu – bilo u glavnom takmičenju ili kao dobitnik nagrade NEB-a za priuštivo stanovanje. Jedan projekat ne može dobiti obje nagrade.

8. KRITERIJI DODJELE

Konačno rangiranje i odabir dobitnika potvrđuje Komisija za ocjenjivanje koja se sastoji od članova iz Evropske komisije. Komisija ima punu odgovornost za osiguranje pravilnog provođenja takmičenja i njegove konačne rezultate.

Ocjenjivanje kvaliteta prijave provode vanjski, nezavisni stručnjaci na osnovu kriterija dodjele navedenih u nastavku. Maksimalno 100 poena se dodjeljuje za kvalitet prijave. Potrebno je minimalno 50% za svaki kriterij. Samo prijave koje pređu ovaj prag se mogu naći na listi finalista.

8.1. Kriteriji dodjele za obje grupe (A i B):

- a) Primjeren karakter u pogledu tri **glavne vrijednosti** novog evropskog Bauhauusa (**40 / 100 poena**):
1. **Održivost:** u smislu zaštite okoliša, naprimjer, smanjenje uticaja ljudske aktivnosti na okoliš, unapređivanje kružnosti i eko-dizajna, provođenje rješenja zasnovanih na prirodi, sprečavanje gubitka biološke raznovrsnosti i promoviranje ekonomskih aktivnosti koje podstiču očuvanje, obnovu i razmišljanje o životnom ciklusu. Društvena održivost i finansijska održivost (kao što je održavanje ili finansiranje projekta) nisu dio ovog kriterija.
 2. **Uključenost:** u svojim različitim dimenzijama, od dostupnosti i priuštivosti za sve, preko inkluzivnog upravljanja do dizajna za sve. Podrazumijeva poštivanje raznolikosti, podsticanje međugeneracijske razmjene, rješavanje prostorne segregacije i izolacije, podržavanje ugroženih članova zajednice i poboljšavanje prilika za društvenu interakciju među svima.
 3. **Estetika i kvalitet iskustva ljudi:** putem dizajna i emocionalih/kulturnih koristi, naprimjer, povezivanjem s osobinama mjesta, jačanjem osjećaja pripadnosti putem značajnih iskustava ili integriranjem novih trajnih kulturnih i društvenih vrijednosti.
- b) Primjeren karakter u pogledu tri glavna **principa rada** novog evropskog Bauhauusa (**35 / 100 poena**):
1. **Participativni proces:** učešće zajednica na koje projekat utiče u fazi zajedničkog osmišljavanja, odlučivanja i provođenja, jačanje uloge lokalnih zajednica.
 2. **Angažman na više nivoa:** efikasna razmjena kako horizontalno – sa pandanima – tako i vertikalno – s drugima koji djeluju u različitim razmjerama; radi povezivanja aktera s različitim nivoa koji imaju slične ciljeve.
 3. **Transdisciplinarni pristup:** angažman stručnjaka i znanja iz različitih oblasti kao i korištenje znanja iz neakadenskog područja i javnosti.
- c) **Inovativna dimenzija** za razliku od uobičajenih praksi. (**10 / 100 poena**)
- d) Veliki potencijal **prenosivosti i replikacije** (npr. metodologije, rješenja i iskustava) u različite sredine. (**5 / 100 poena**).

8.2. Posebni kriteriji dodjele:

Za grupu A – Šampioni novog evropskog Bauhauusa:

Prikazani **rezultati, ostvarenja ili uticaj** projekta u odnosu na ciljeve i na ono što se očekuje u kontekstu date kategorije. To uključuje koristi od projekta za direktne i indirektne korisnike. Projekat mora pokazati i kako lokalna rješenja rješavaju globalne izazove. (**10 / 100 poena**)

Za grupu B – Zvijezde u usponu novog evropskog Bauhauusa:

Relevantnost, kvalitet i kredibilitet **razvojnog plana koncepta**, s posebnom pažnjom posvećenom koracima planiranim za godinu nakon prijave. U planu se moraju navesti očekivani rezultati i prednosti za direktne i indirektne korisnike. Rezultati i prednosti moraju biti direktno povezani s ciljevima koncepta i očekivanjima date kategorije. Koncept mora pokazati kako lokalna rješenja rješavaju globalne izazove. **(10 / 100 poena)**

8.3. Komplementarni kriteriji dodjele

Razmatrajući rang prijava na osnovu gore navedenih kriterija dodjele, konačni odabir žirija (preporuke za dobitnike među finalistima) će uzeti u obzir i sljedeće dodatne kriterije:

- (i) geografska raznolikost
- (ii) ravnoteža između prijava koja se odnosi na fizičku transformaciju izgrađenog okoliša ("materijalna ulaganja") i drugih vrsta transformacije ("nematerijalna ulaganja")
- (iii) raznolikost sredine (ruralna/urbana, mala/velika itd.)

Po pitanju geografske raznolikosti, žiri će osigurati da nijedna zemlja članica EU-a, Zapadnog Balkana ili Ukrajina ne bude zastupljena više od dvaput u svim kategorijama i grupama nagrada, uključujući rezultate javnog glasanja i posebne nagrade "NEB-a za priuštivo stanovanje".

9. POSTUPAK IZBORA

Postupak izbora dobitnika organizira i pregleda Komisija za ocjenjivanje koja se sastoji od predstavnika Evropske komisije. Komisija će osigurati poštivanje važećih pravila, uključujući ona koja se tiču sukoba interesa. Komisija ne ocjenjuje same prijave.

Postupak izbora se odvija u nekoliko koraka.

9.1. Provjera prihvatljivosti (planirana za februar-mart 2025)

Komisija za ocjenjivanje će pregledati sve prijave kako bi ocijenila njihovu prihvatljivost prateći kriterije navedene u tački 8.

9.2. Ocjena kvaliteta (planirana za mart-april 2025)

Vanjski stručnjaci koje su odabrale službe Evropske komisije će ocijeniti prijave. Da bi ih izabrala, Evropska komisija je objavila "Poziv za izražavanje interesa" tražeći stručnjake koji posjeduju odgovarajuću stručnost u pogledu novog evropskog Bauhauusa (uravnotežena raznolikost stručnosti za održivost, uključenost i estetiku). Postupak izbora također je osigurao uravnoteženu polnu i geografsku zastupljenost. Stručnjaci ne smiju sudjelovati niti imati sukob interesa u prijavama podnesenim za takmičenje za Nagrade novog evropskog Bauhauusa.

Odabrani stručnjaci će ocijeniti prijave i dodijeliti poene na osnovu kriterija dodjele navedenih u tački 8. Dva različita stručnjaka će ocijeniti sve prihvatljive prijave.

9.3. Kreiranje liste finalista

Lista finalista će biti utvrđena odabirom tri prijave s najviše poena u svakoj kategoriji i grupi i imat će minimalno 24 finalista. Lista finalista će se zatim dopuniti prema sljedećim pravilima:

- **Geografska zastupljenost:** u slučaju da u prvih 24 prijave nije zastupljena nijedna zemlja članica EU-a, partner sa Zapadnog Balkana ili Ukrajina, na listu finalista će se dodati najviše rangirani prihvatljivi projekat iz te zemlje ili partnerske zemlje.
- **Nagrade "NEB-a za priuštivo stanovanje":** ako na listi nema minimalno šest prihvatljivih prijava za nagrade "NEB-a za priuštivo stanovanje", dodat će se sljedeće preostale prihvatljive prijave za ovu nagradu s najboljim rezultatom dok se ne dođe do minimalno šest finalista.

Ova pravila se primjenjuju pod uslovom da su najbolje ocijenjene prijave zadovoljile sve kriterije prihvatljivosti i da su stekle minimalan kvalitet, što se smatra kao minimalno 50% u svakoj kategoriji kriterija dodjele.

Ako ukupan broj finalista bude preko 50 prijava, Komisija za ocjenjivanje može izvršiti dodatnu reviziju liste, kako bi je smanjila na odgovarajući broj, strogo poštujući sljedeće kriterije:

- (i) prosječna ocjena koja se izvodi od poena koje su dodijelila dva stručnjaka odgovorna za ocjenu kvaliteta date prijave
- (ii) geografska raznolikost
- (iii) ravnoteža između prijava koja se odnosi na fizičku transformaciju izgrađenog okoliša ("materijalna ulaganja") i drugih vrsta transformacije ("nematerijalna ulaganja")
- (iv) raznolikost sredine (ruralna/urbana, mala/velika itd.)

9.4. Javno glasanje putem interneta (planirano za juni 2025)

Prijave finalista će biti objavljene na internetskoj stranici Nagrada NEB-a za javno glasanje kako bi se odredio pobjednik javnog glasanja za svaku grupu (ukupno 2 pobjednika). Glasanje će biti otvoreno svim pojedincima i subjektima s važećim adresama e-pošte i odvijat će se putem sigurnog online sistema. Svi glasači će moći glasati za dvije prijave u svakoj grupi (svaki glasač može odabrati do 4 prijave). Prijava koja dobije najviše glasova u svakoj grupi će biti nagrađena.

9.5. Ocjena žirija (planirana za juni 2025)

Prijave finalista će ocjenjivati finalni žiri stručnjaka. Stručnjaci će osigurati uravnoteženu raznolikost ekspertize za tri dimenzije inicijative novi evropski Bauhaus (održivost, uključenost i estetika). U obzir će se uzeti i polna i geografska ravnoteža. Članovi će također potvrditi odsustvo bilo kakvog sukoba interesa u prijavama finalista.

Finalni žiri će predložiti 20 pobjedničkih projekata i koncepata u svakoj kategoriji i grupi, uključujući dobitnike i drugoplasirane, kao i četiri dobitnika nagrada "NEB-a za priuštivo stanovanje". Te odluke će se zasnivati na kvalitetu prijava, pored svih relevantnih komplementarnih kriterija navedenih u kriterijima dodjele u tački 8.

Finalni žiri će raditi na osnovu koncenzusa. U slučaju razilaženja u stavovima, odlučiti se može putem pravila glasanja proste većine.

9.6. Utvrđivanje rezultata (planirano za juli 2025)

Komisija za ocjenjivanje će prvo provjeriti regularnost cijelog procesa, pregledati rezultate javnog glasanja i prijedlog žirija, te utvrditi listu odabranih dobitnika – ukupno 22, uključujući dobitnike i drugoplasirane.

Dobitnik može dobiti nagradu samo jednom, tj. putem javnog glasanja ili preporukom žirija. U slučaju da neki od dva dobitnika javnog glasanja dospije na finalnu listu 20 najbolje ocijenjenih prijava koje predloži finalni žiri, zamijenit će se drugom najbolje ocijenjenom prijavom u istoj grupi i kategoriji. Isto se odnosi na nagrade "NEB-a za priuštivo stanovanje".

Evropska komisija će dodijeliti nagrade odabranim dobitnicima i drugoplasiranim na osnovu preporuka Komisije za ocjenjivanje.

10. OTKAZIVANJE NAGRADE

Komisija može otkazati takmičenje ili odlučiti da ne dodijeli nagradu u nekoj ili svim kategorijama, bez obaveze nadoknade učesnicima, u slučaju da: (a) ne bude zaprimljena nijedna prijava; (b) komisija za ocjenjivanje ne može naći dobitnika ni u kojoj kategoriji ni grupi; c) dobitnici ne ispunjavaju uslove ili moraju biti isključeni.

11. POVLAČENJE NAGRADE

Komisija može povući nagradu nakon dodjele i povratiti uplaćena sredstva ako ustanovi: (a) da su korištene lažne informacije, prevara ili korupcija za dobijanje nagrade; (b) da dobitnik nije ispunjavao uslove ili je trebao biti isključen; (c) da je dobitnik teško prekršio svoje obaveze prema gore navedenim pravilima ovog takmičenja.